

Վանք Հայոց 'ի լեռնակողմն : Արարական վարդապետ : Սողէն Երանց .
Ս . Լուսինիկոս : Առումն Արուստակէմի 'ի Թաթարաց : Հեթում . Ա .
Յիշատակարան : Քերէք :

ՆԱԽ քան զտիրել Սալահատտինի Ս . Երկրին՝ միա-
բանք Հայոց բնակէին 'ի վանս լեռնակողմանն , որ ըստ
Արարացւոց կոչի Այն Քերէք . և ոչ ոք նեղէր և կամ պա-
հանջէր ինչ 'ի նոցանէ : Իսկ յորժամ անկաւ երկիրն ընդ
իշխանութեամբ Արարացւոց , հարկահանք նոցին պէսպէս
պատճառանօք սկսան նեղել զնոսա : Իսկ միարանաց ոչ
կարացեալ առնել ինչ՝ մատուցեալ առ քաղաքապետն
ետուն գրել նմա զամենայն տառապանս իւրեանց առ
Սուլթանն Եգիպտոսի , որոյ անունն էր էլ Մէլիքի Սալի-
հի Նա՛մէ , որպէս տեսանի 'ի վերնագիր հրովարտակին ,
յորում է և գիր քաղաքապետին՝ պահեալ 'ի շարս գրոց
Ս . Աթոռոյս , զորոց Թարգմանութիւնն դնեմք աստ :

Ի մասն երկրին և 'ի շրջակայս նորա բնակին կալուա-
ծատեարք , 'ի վանս Այն Քերիմի 'ի լեռնակողմն Արուստ-
ակէմի , ուր էր եկեղեցին 'ի ձեռս նոցա նախ քան զտիրելն
Արուստակէմի , որպէս և է ցարդ . եւ նահանգն այն որո-
շեալ էր , եւ չէր ոք որ հակառակ կայր նոցա , ոչ վանաց
ոչ եկեղեցւոյն եւ ոչ սովորութեանց նոցին : Իսկ յորժամ
եմուտ նահանգն այն 'ի կարգ սեփհականութեան . նոքա
որք տակաւին բնակէին անդ , աղաչեցին դարձեալ որո-
շել զայն և մի հակառակիլ . եւ 'ի սմին ժամանակի յոր-
ժամ դարձաւ 'ի սեփհականութիւն , արգել զնոսա տէր
երկրին յեկեղեցւոյ , 'ի պաշտամանց և յայլ սովորութեանց
նոցին : Եւ կալուածատեարքն ունին 'ի ձեռս իւրեանց
հրովարտակ 'ի ժամանակէ Սուլթանին , որ կոչի շէհնաբէ
Նաբէ . զայինք նորա է բառնալ 'ի նոցանէ զնեղութիւնս
և զվնասս , առնել զարդարութիւն և զոգորմութիւն . ու-
նին դարձեալ վճիռ յառաջին դատաւորաց և գիտնոց , և
ինդրեն 'ի գթութենէ ձերմէ տալ հրովարտակ , վարիլ
ըստ մտաց նոցին , և առանց նեղութեան կատարել զսո-